

新刊釋名敘

漢 劉熙 成國 撰

熙以爲自古造化制器立象有物以來迄於近代或典禮所制或出自民庶名號雅俗各方名殊聖人於時就而弗改以成其器著於旣往哲夫巧士以爲之名故興於其用而不易其舊所以崇易簡省事功也夫名之於實各有義類百姓日稱而不知其所以之意故撰天地陰陽四時邦國都鄙車服喪紀下及民庶應用之器論敘指歸謂之釋名凡二十七篇至於事類未能究備凡所不載亦欲智者以類求之博物君子其荅難解惑王父幼孫朝夕侍問以塞可謂之士聊可省諸

新刻釋名目錄

卷之一

釋天

釋地

釋山

釋水

釋丘

釋道

卷之二

釋州國

釋形體

卷之三

釋姿容

釋長幼

釋親屬

卷之四

釋言語

釋飲食

釋綵帛

釋首飾

卷之五

釋衣服

釋宮室

卷之六

釋牀帳

釋書契

釋典藝

卷之七

釋用器

釋樂器

釋兵

釋車

釋船

卷之八

釋疾病

釋喪服

釋名目錄終

新刻釋名卷之一

漢劉熙成國撰

明畢效欽校刊

釋天

釋地

釋山

釋水

釋仁

釋道

釋天

天豫司交冀以舌腹言之天顯也在上高顯也青徐以舌
頭言之天垣也垣然高而遠也春曰蒼天陽氣始發色蒼
蒼也夏曰昊天其氣布散皓皓也秋曰旻天旻閔也物就
枯落可閔傷也冬曰上天其氣上騰與地絕也故月令曰
天氣上騰地氣下降易謂之乾乾健也健行不息也又謂

之玄玄懸也如懸物在上也

日實也光明盛實也

月缺也滿則缺也

光晃也是晃然也亦言廣也所照廣遠也

景境也明所照處有境限也

晷規也如規畫也

曜耀也光明照耀也

星散也列位布散也

宿宿也星各止宿其處也

氣飀也飀然有聲而無形也

風兌豫司橫口合唇言之風汜也其氣博汜而動物也青

徐言風淑曰開唇推氣言之風放也氣放散也

陰蔭氣在內風蔭也

陽揚也氣在外發揚也

寒捍也捍格也

暑煖也熱如煖物也

熱爇也如火所燒爇也

雨羽也如鳥羽動則散也

春蠢也動而生也

夏假也寬假萬物使生長也

秋緇也緇迫品物使時成也

冬終也物終成也

四時四方各一時時期也物之生死各應節期而止也
年進也進而前也

歲越也越故限也唐虞曰載載生物也殷曰祀祀已也新
氣升故氣已也

五行者五氣也於其方各施行也

金禁也其氣剛嚴能禁制也

木冒也華葉自覆冒也

水準也準平物也

火化也消化物也亦言毀也物入中皆毀壞也

上吐也能吐生萬物也

子孳也陽氣始萌孳生於下也於易爲坎坎險也

丑紐也寒氣自屈紐也於易爲艮艮限也時未可聽物
限止之也

卯冒也載冒土而出也於易爲震二月之時雷始震也
辰伸也物皆伸舒而出也

巳巳也陽氣畢布巳也於易爲巽巽散也物皆生布散也
午忤也陰氣從下上與陽相忤逆也於易爲離離麗也物
皆附麗陽氣以茂也

未昧也日中則昃向幽昧也

申身也物皆成其身體各申束之使備成也

酉秀也秀者物皆成也於易爲兌兌悅也物得備足皆喜
悅也

戌恤也物當収歛矜恤之也亦言脫也落也

亥核也収藏百物核取其好惡真僞也亦言物成皆堅核也

甲孚也萬物解孚甲而生也

乙軋也自抽軋而出也

丙炳也物生炳然皆著見也

丁壯也物體皆丁壯也

戊茂也物皆茂盛也

巳紀也皆有定形可紀識也

庚猶更也庚堅強貌也

辛薪也物初新者皆収成也

千姪也陰陽交物懷妊也至子而萌也

癸揆也揆度而生乃出之也

霜喪也其氣慘毒物皆喪也

露慮也覆慮物也

雪綏也水下遇寒氣而凝綏綏然也

霰星也水雪相搏如星而散也

霖霖小雨也言裁霖歷霑漬如人沐頭惟及其上伎而根

不濡也

雲猶云云衆盛意也又言運也運行也

雷碾也如轉物有所碾雷之聲也

電殄也乍見則殄滅也

震戰也所擊輒破若攻戰也又曰辟歷辟折也所歷皆破折也

雹砲也其所中物皆摧折如人所盛砲也

虹攻也純陽攻陰氣也又曰燬蜩其見每於日在西而見於東掇飲東方之水氣也見於西方曰升朝日始升而出見也又曰美人陰陽不和婚姻錯亂淫風流行男美於女女美於男恒相奔隨之時則此氣盛故以盛時名之也霓齧也其體斷絕見於非時此災氣也傷害於物如有所食齧也

暈捲也氣在外捲結之也日月俱然

陰而風曰曠曠翳也言掩翳日光使不明也

風而雨土曰霾霾晦也言如物塵晦之色也

珥氣在日兩傍之名也珥耳也言似人耳之在面旁也

日月虧曰食稍稍侵虧如蟲食草木葉也

晦仄也火死爲仄月光盡似之也

朔蘇也月死復蘇生也

弦月半之名也其形一旁曲一旁直若張弓施弦也

望月滿之名也月大十六日小十五日日在東月在西遙

相望也

昏損也陽精損滅也

晨伸也旦而日光復似見也

侵侵也赤黑之氣相侵也

氛粉也洞氣著草木因寒凍色曰若粉之形也

彗星光稍似彗也

孛

蒲蒲切

星星旁氣孛孛然也

筆星星氣有一枝末銳似筆也

流星星轉行如流水也

枉矢齊魯謂光景爲枉矢言其光行若射矢之所至也亦言其氣枉暴有所災害也

原疾氣也中人如磨厲傷物也

疫役也言有鬼行疫也

玃截也氣傷人如有斷絕也

災戕也火所燒滅之餘曰戕言其於物如是也

害割也如割削物也

異者異於常也

青疇也如病者疇瘦也

慝態也有姦態也

妖殀也妖害物也

孽孽也過之如物見髭孽也

釋地

地者底也其體底下載易物也亦言諦也五土所生莫不

信諦也易謂之坤坤順也上順乾也

土吐也吐生萬物也

已耕者曰田田填也五稼填滿其中也

壤灤也肥濡意也

廣平曰原原元也如元氣廣大也

高平曰陸陸漉也水流漉而去也

下平曰衍言漫衍也

下濕曰隰隰蟄也蟄溼意也

下而有水曰澤言潤澤也

地不生物曰鹵鹵爐也如爐火處也

徐州貢土五色有青黃赤白黑也

土青曰黎似黎草色也

土黃而細密曰埴埴膩也黏膩如脂之膩也

土赤曰鼠肝似鼠肝色也

曰曰漂漂輕飛散也
上黑曰盧盧然解散也

釋山

山產也產生物也土山曰阜阜厚也言高厚也大阜曰陵
陵隆也體高隆也

山頂曰冢冢腫也言腫起也山旁曰陂言陂隨也

山脊曰岡岡亢也在上之言也

山旁隴間曰涌涌猶桶桶挾而長也

山大而高曰嵩嵩竦也亦高稱也

山小高曰岑岑嶮也嶮然也

土銳而長曰嶠形作橋也